



APOORAA A TE MAU FAATERE HAU PARAU HAAPAPA

Mahana maha 22 no atete 2024

Ua putuputu te Faatereraa Hau i teie mahana touru nei. I rotopû i te mau puta parau i tuatapahia, ua haamanahia na puta parau i muri nei :

- PR -	2
• Puòhuraa no te mau faaauraa faufaa i rotopû te Faatereraa o te Fenua e te Ôire no Punaauia mai te matahiti 2011 e tae mai i te matahiti 2024	2
- MFT -	2
• Ôpuaraa parau mana no te haamauraa, no te faanahoraa e no te faaòhiparaa i te faatereraa no te mau ìte e te maìmiraa âpi no Porinetia farani nei	2
- MPR -	4
• Tauturu moni no te pae o te faaòhiparaa i te taatiraa Monoì no Tahiti	4
• Ôpuaraa parau faaotiraa no te tataì i te parau mana CM no te 26 atete i nià i te huru no te tereraa no te utaraa no te maa i rotopû i te mau motu e o te riro ei fifi i te pae no te Èa e te parururaa i te aru	4
- MEE -	5
• Ôpuaraa parau faaotiraa no te tataì i te parau manano te 13 me 2015 faaâpihia no te faanaho e no te arataì i te Tomite e Faataa nei i te mau Tauturu moni i te pae no te Hiroà Tumu e te Faufaa Tumu a Porinetia farani.....	5
• Te faanahoraa âpi i te faufaa no te mau parau haaputu o te Pû òhipa o te piha tivira 118 W e 151 W, ia ôhie te titauraa.....	5
• Parau faaara i te pae no te faufaa tumu no te ôire no Punaauia	6
- MJP -	6
• Tauturu moni i te mau Âmui-Tahiraa e Taatiraa tuàro e feia âpi	6



- PR -

Puòhuraa no te mau faaauraa faufaa i rotopû te Faatereraa o te Fenua e te Ôire no Punaauia mai te matahiti 2011 e tae mai i te matahiti 2024

I roto i te Rururaa a te Apooraa Hau taa ê, o tei tupu na i Punaauia, ua horoàhia mai te puòhuraa no te faaauraa faufaa i rotopû i te Faatereraa o te Fenua e te Ôire, mai te matahiti 2011 mai e tae mai i te matahiti 2024.

Te faaite mai ra teie puòhuraa i te tautooraa tamau e te faufaa a te Fenua i te pae no te faahoturaa e te haamauraa i te tahi pû tei au e tei pahono i te mau hinaaro o te Ôire, tei pâpû ta na arataïraa i te pae no te faaòhiparaa.

No reira, mai te matahiti 2011 mai, ua faataa te Faatereraa o te Fenua hau atu i te 1,105 miria F CPF, no te paèpaè i na tapura òhipa paturaa e 28 i Punaauia. Taua mau tauturu moni ra, i faataahia na roto i te haamanaraa a te Faatereraa Hau, ua pahono i te faatupuraa i te mau òhipa no te hoê tapura faufaa e 2,742 miria F CFP i roto i te rauraa o te mau tuhaa faufaa mau no to na nunaa.

Te mau tauturu moni tumu, ua faataahia ia i roto i te mau tuhaa i muri nei :

- Te faaotororaa i te mau âuri pape, no te pape mâ : 59,5%
- Te Èa e te totiare : 13,1%
- Te tiàauraa i te pehu : 8,1%.

E vai noa a teie nei faaauraa, ìnaha, i roto i te putuputuraa no te âvaè fepuare 2024 ra, ua faataahia a 114 mirioni F CFP, na roto i to te Peretiteni faararaa i mua i te mau mero o te Apooraa Ôire, o te turaì i nià i te 1,2 miria F CFP te faito tauturu a te Hau Fenua mai te matahiti 2011 mai.

No reira, na roto i teie puòhuraa maitaì roa, ua tià â i te Faatereraa o te Fenua ia haapâpû i mua i te aro o te taatoàraa o te Apooraa Ôire, i ta na tauturu tamau, o te riro ei mea faufaa roa no te oraraa o te Ôire i roto i te parau no te haamaitaïraa i to na oraraa âmui.

- MFT -

Ôpuaraa parau mana no te haamauraa, no te faanahoraa e no te faaòhiparaa i te faatereraa no te mau ìte e te maïmiraa âpi no Porinetia farani nei

Ua vauvau te Faatere Hau no te mau Pû òhiipa a te Hau, no te Tiàraa òhipa, no te Òhipa, no te Faaâpiraa, no te Tereraa òhipa, te Faahoturaa i te mau Taha-Motu e te Faaineineraa i nià i te tiàraa òhipa, i mua i te Faatereraa Hau, i te ôpuaraa e haamau i te tahi faatereraa no te mau ìte e te Maïmiraa âpi, o te tuuhia i roto i te tahi ôpuaraa âano atu a no te haamaitaì i te mau arataïraa a te Hau.



Ei hiòraa, ua hinaaro o ia e haamata i te faaâpiraa na nià i te mau pû i raro aè i ta na arataïraa.

No reira, teie faatereraa âpi no te mau ìte e te Maïmiraa âpi, e rave mai ia e e haamau pâpû, i te mau titauraa e te mau òhipa a te Pû faatereraa no te mau raveà ora (DGRH) e te faatereraa no te Faaâpiraa e te haamaitàraa i te no Pû òhipa a te Hau.

Ei ômuaraa, te haamanaòhia nei e ua maïtihia te Faatereraa Hau e te nunaa no te rave i te mau faaâpiraa hinaarohia e to tatou Fenua i nià i na parau too-toru, *Faatura, Faaora, Faatupu*. Te faaturaraa e te tautururaa i te nunaa, o te horoàraa ia i te tahi tereraa òhipa e au ia ratou, o ta ratou e tiaì nei, e o te faaitiraa atoà i te teimaha no te mau titauraa atoà a te Hau. E tautooraa teie o te tiaì ia tatou ia haa âmui.

No reira, e mea faufaa ia hiò faahou i te mau tereraa, haamaità atu a te mau fariiraa, faaiti te tereraa e te mau arataïraa i roto i te mau piha òhipa. I te pae no te mau tiàraa òhipa e mea faufaa roa ia faaitoito faahou no te titauraa i te mau fâ e hinaarohia nei, faatano i te mau ìte i te nuuraa no te tupuraa òhipa e haafauaa i te oraraa hau e te maità i nià i te vahi òhiparaa.

Te faaâpiraa i te Hau, e mea na roto ia i te haamaitàraa tamau i te mau pû òhipa e te faatanoraa te mau raveà a te Hau.

Te Faatereraa o te mau Ìte e te Maïmiraa Âpi, ta na òhipa :

- O te tautururaa ia i roto i te mau faaotiraa e ravehia, te âpeeraa i te mau arataïraa poritita no Porinetia farani no te faaâpiraa i te tereraa òhipa a te Hau ;
- Paèpaè e faaòhie te haamaitàraa hau ê o te mau pû òhipa no te tahi tereraa òhipa maità roa ;
- Te ìteraa e te fariiraa i te taata e to na faufaa/maità i roto i to na tiàraa òhipa ;
- Arataì e tiaàu i te mau puai ora no te mau pû òhipa maità atu a.

Te fâ no te haamauraa i te tahi tuhaa no te âpee i te taata tataì-tahi, ia noaa ia haaputuhia te hiòraa no te tau òhipa e te àravahi, tei tapihapiahia i teie mahana. Te âpeeraa i te mau rave òhipa i nià i te taatoàraa o te fenua nei, e riro atoà ia i te haamaitàhia atu a i te pae no te mau tuhaa atea.

Teie arataïraa âpi, o te haamata i te mahana **1 tenuare 2025**, tei nià ia i te rahiraa 123 tiàraa òhipa, e i roto i teie rahiraa, 17 ia rave òhipa no te Pû o te tapura e faaravaïraa faufaa, e tiaàu i te moni âvaè.

Ua faarahia te mau rave atoà no teie nei ôpuaraa i te 26 tenuare 2024 ra e te Faatere Hau iho. Ua faahohonuhia atu a te hiòraa i roto i na farereiraa e piti a te tomita tuatapapa, fatu òhipa e rave òhipa, i te 1 feppure e te 3 tiunu 2024 ra. Ua farerei faahouhia teie nei Tomite i te 22 e 23 tiurai 2024 ra, ia horoà mai i to na manaò i nià i teie nei parau mana.

Te mau aupupu paruru rave òhipa e vai nei i roto i te mau pû òhipa a te Hau tei farii atoàhia i te 12 tiurai 2024 ra e te Faatere Hau e i te 20no atete 2024, fariihia mai ratou e te Peretiteni o Porinetia farani, no te vauvau atu i teie nei ôpuaraa, e no te pahono i ta ratou mau uiuiraa ia faufaahia atu a i roto i ta ratou mau hiòraa.

No te pahono i te taiâ o te feia rave òhipa, te tahi arataïraa e âpeeraa i roto i te faaâpiraa, o te haapaòhia e te tahi pû òhipa èere na te Hau, tei faanahohia i roto i te tau no tiunu e tiurai 2024 ra, roto i te òhiparaa e feruriraa tapupu e âmui no na piha ohipa too-piti , e tae noa atu i te tauà-parauraa tataì-tahi. Âreà no te tuatapaparaa e no te òhiparaa âmui i



nià i teie Faatereraa no te mau Ìte e te Maimiraa Âpi (DTI), ua faanahohia e te faatere e tae noa atu i te taatoàraa no te mau rave òhipa o na pû òhipa te DGRH e te DMRA.

- MPR -

Tauturu moni no te pae o te faaòhiparaa i te taatiraa « *Monoì no Tahiti* »

Na roto i te aniraa a te Faatere Hau no te Faaàpu, ua faataa te Faatereraa Hau i te tahi tauturu moni i te pae no te faaòhiparaa no te hoê faito **12 mirioni F CFP** i te taatiraa « *Monoì no Tahiti* » no teie matahiti 2024.

Na roto i teie tauturu a te Hau Fenua, e tià ai i teie taatiraa ia haapâpû i te parururaa i teie tapaò e teie iòà « *Monoì no Tahiti* » i te ara e te amo atoà i te mau haamauàraa i te pae no te faaòhiparaa e te tiàauraa o te taatiraa i pihai iho i te mau piha òhipa a te mau paruru àravahi i te pae no te parururaa i te ìte no te arai i te mau êiaraa rau.

Ôpuaraa parau faaotiraa no te tatai i te parau mana CM no te 26 atete i nià i te huru no te tereraa no te utaraa no te maa i rotopû i te mau motu e o te riro ei fifi i te pae no te Èa e te parururaa i te aru

- ***Puòhuraa maitai roa, no te tapura òhipa no te àroraa i te tiro tiro "Tristeza" i Rurutu :***

Na roto i te aniraa a te Faatere Hau o te Faaàpu, ua faahoì faahou te Faatereraa Hau i te tiàraa maitai o te fenua Rurutu i te Tuhaa Pae, na reira atoà i te tiro tiro "Tristeza" e faaino nei i te taporo e te anani.

I te âvaè atopa 2022, i ìtehia ai teie tiro tiro i Rurutu i nià i na tumu 10 i nià i te tahi tuhaa fenua.

Teie tiro tiro "Tristeza" e faaiti ia i te maitai o te maa e tae noa atu i te hotu, e tae roa atu i te haapohe roaraa i te tumu. Te raveà hoê roa e te maitai atoà o te faaòreraa ia e te tanina roaraa ia i te mau tumu i maìhia.

I muri aè i te ìteraahia teie maì, ua haapâpûhia Rurutu ei fenua tei taeàhia i teie maì, ma te faanahohia te tahi arataàraa no arai i teie tiro tiro. Ua piri i te 10.000 rahiraa tuatapaparaa i ravehia mai te âvaè atopa 2022 e tae mai i te âvaè fepuare 2024. E i roto i te reira tapura òhipa, ua ìtehia e, e 62 rahiraa tumu tei maìhia e tei taninahia.

E tià ia parauhia e, ua manuia maitai teie nei tapura òhipa, i te mea e, ua haapâpû mai te mau hiòpoàraa no te âvaè atete 2023 ra e to âvaè fepuare 2024 nei, e aita roa e tiro tiro i nià i na tumu 4 500 i hiòpoàhia i te roaraa e 6 âvaè.



E tià roa ai, ia haapâpû e, **aita e tirotiro “Tristeza” faahou i Rurutu, e tano atoà ai e uta faahou i te mau tumu maa i rotopû i te mau motu.**

- **Haapâpûraa e te vai mau nei te Rô Uira i nià i na motu no Huahine e no Tahaa :**

Ua haapâpû atoà te Faatereraa Hau, e te vai mau nei te Rô Uira i nià i na motu no Huahine e no Tahaa. No reira, i mua i te reira, e mea titauhia ia te parau faaararaa e te hiòpoàraa a te piha òhipa (niuniu 40.54.45.85) e hiòpoà nei i te mau raau tupu atoà, hou a uta atu ai i te mau raau tupu, te mau âmaa raau, te mau tauihaa fare, te mau tiare e te mau rau raau atoà mai roto mai i na fenua too-piti nei.

- MEE -

Ôpuaraa parau faaotiraa no te tatai i te parau manano te 13 me 2015 faaâpihia no te faanaho e no te aratai i te Tomite e Faataa nei i te mau Tauturu moni i te pae no te Hiroà Tumu e te Faufaa Tumu a Porinetia farani

Te Tomite e faataa nei i te mau tauturu moni i te pae no te hiroà tumu e te faufaa a Porinetia farani, te hiòpoà nei e te horoà nei i to na manaò i nià i te mau aniraa tauturu moni no te mau ôpuaraa i te pae o te hiroà tumu e faufaa tumu i tuuhia atu i mua i te aro o te faatereraa no te hiroà e te faufaa tumu, taa ê atu te mau aniraa i tapaòhia i roto i te terena òhipa matahiti, te *Heiva* e te mau Pû a te Hau i roto i te faanahoraa no te hiroà tumu.

Tei haere noahia mai, te 31 tiurai te taiò mahana hopeà no te faataeraa mai i te mau aniraa tauturu, o te riro ra i te faanuuhia mai i te 30 tiunu no te faaòhie i te mau tuatapaparaa i te mau parau atoà.

Te faanahoraa âpi i te faufaa no te mau parau haaputu o te Pû òhipa o te piha tivira 118 W e 151 W, ia ôhie te titauraa

Haamatahia mai mai te matahiti 2012 ra, te tautoo nei a te Faatereraa Hau o te Haapiiraa, te Haapiiraa Teiti e no te Hiroà Tumu i te faahoperaa i te òhipa no te faanahoraa âpi no te faufaa no te mau parau haaputu o te Pû òhipa o te piha tivira ia ôhie te titauraa i te reira mau parau i roto i te mau ôire no Porinetia farani nei.

Teie tereraa òhipa tei ìritihia na i te matahiti 2023 ra i raro aè i te aratairaa a te Mono-peretiteni tahito e Faatere Hau atoà no te Hiroà tumu, Eliane TEVAHITUA vahine, ua haafanaò ia e 8 ôire e te hinaaro i teie mahana ia fanaò 40 atu a ôire. Te tuuraa i te mau puta tivira i roto i te roro-uira, tei nià i te faito e 15 e tae atu i te 45 matahiti to na taupupuraa, ia au i te hohoà o te puta tivira e te vahi no reira taua puta ra.

Te tupu nei te mau tauà-parauraa e te mau piha òhipa a te Faatereraa Hau e tiàau nei i te Pû haaputuraa parau no Farani, ia horoàhia i te totaiete « *Family Search International* » te



taroro-uirararaa i te mau parau haaputu i te pae no te paparaa tupuna, o ta teie totaiete e rave ma te òre e ani i te tahi tuhaa moni.

Parau faaara i te pae no te faufaa tumu no te ôire no Punaauia

Teie nei parau faaara te horoà mai ra ia i te tahi mau parau tei faaâpîhia i nià i te parau no te faufaa tumu no te ôire no Punaauia, tei ravehia na e te faatereraa no te Hiroà e te Faufaa Tumu. E 88 rahiraa vahi i ìtehia e te vai ra te mau òhipa tumu, tei òre i ìtehia na, no te mea tei nià i te mau fenua e fatuhia ra e te taata. E i rotopû i taua mau vahi ra, e 9 tei tapaòhia i nià i te tapura no te mau faufaa tumu a Porineti farani e hoê vahi te farii ra ia i te tahi faanahoraa i tapaòhia. E i roto i na vahi 10, e 5 vahi e vai maitaì ra, e 2 i roto tei ìno roa e e 3 tei vavahi ìno roahia. Tei roto atoà te parau no te faataaraa e te tapaòraa i te ôutu no *Tataa* i nià i te tapura no te mau faufaa tumu, i te tauà-parauraa, ia paruruhia teie vahi faufaa roa i roto i te hiroà tumu no Porinetia farani.

- MJP -

Tauturu moni i te mau Âmui-Tahiraa e Taatiraa tuàro e feia âpi

Na roto i te aniraa a te Faatere Hau no te Tuàro, no te Feia âpi, no te Arairaa i te mau òhipa ìino, e tiàau atoà i te rima Ì, ua haamana te Faatereraa Hau e faataa i te mau tauturu moni i te pae no te faaòhiparaa e te faahoturaa, i te mau Âmui-tahiraa e taatiraa tuàro e feia âpi, i nià te faito e **49 863 997 F CFP**.

I te pae no te faahoturaa

Associations Sportives – Activités générales	
Taatiraa « Tahitian Historical Society »	2 500 000
Taatiraa tuàro « Jeunes Tahitiens » JT	2 500 000
Taatiraa tuhaa tuàro no “Tefana Foot-ball”	1 500 000
Taatiraa no te feia Au no Porinetia	2 000 000
Taatiraa tuàro Tamarii Punaruu	6 000 000
Taatiraa tuàro Aorai	2 500 000
Taatiraa « Ligue Marquisienne de Foot-ball »	2 000 000
Taatiraa tuàro « Dragon »	3 500 000
Taatiraa tuàro « Excelsior »	5 000 000
Taatiraa tuàro « Vénus »	4 000 000
Taatiraa no te Âmui no te Tuàro o te mau fare haapiiraa no Porinetia USSP	1 500 000
Taatiraa Tuhaa Tuàro no Tefana Football	1 000 000
ÂMUIHIA	34 000 000 F CFP



Taatiraa Feia âpi – Ôpuaraa taa ê		
Taatiraa Puna Reo Pihaèna	Faanahoraa i te mau taime faaineineraa Turu Rauti	1 380 000
Taatiraa no te Ôhipa nehnehe, te Hiroà e te Haapiiraa nunaa no te feia haapii haùti	Taviriraa i te hoê hohoà i nià i te âai no Tevaa i Uta	1 000 000
Taatiraa « La Guilde des Aventuriers »	Faatupuraa i te tahi ta urua rahi no te Fenua i roto i te Âua no Paòfai e i te Fare Tauhiti Nui	1 561 600
Taatiraa “Réussite éducative” Manuia i Mahina – Are Mahina	Amoraa i te ôpuaraa teata taata ora no te haafaufaa i te manuiaraa i te haapiiraa e te ôpuaraa no te âpeeraa i te metua	1 000 000
ÂMUIHIA		4 941 600 F CFP

Au titre de l'investissement :

Âmui-Tahiraa Tuàro e Taatiraa Feia Âpi		
Âmui-tahiraa Païraa-Popo no Tahiti	Hooraa mai e maha pou (aluminium)no te païraa popo	310 000
Âmui-tahiraa “Aikido” no Porinetia	Hooraa mai i te « tatami »	700 000
Taatiraa CEMEA no Porinetia	Hooraa mai i te âfata âuri e te mau materia haapuiraa reo	1 912 397
Taatiraa no te Faaineineraa i te mau aratal i te pae o te rautiraa e te faaànaànataeraa	Hooraa mai i te hoê pereoo	3 000 000
Taatiraa Arii Heiva Rau - Francas	Paturaa i te tahi faaàanoraa fare i raro mai i te 20m2 e faanahoraa i te mau tauihaa no te fare tunuraa maa	5 000 000
ÂMUIHIA		10 922 397 F CFP